

世實為尊妙莫不蒙賴乃至飛鳥聞佛音聲尚獲道果何況人類信心受持過踰於彼百千萬倍不可為比是故汝等當共一心信敬佛法如法修行尔時諸比丘聞佛所說得須陀洹者斯陀含者阿那含者阿羅漢者有發辟支佛心者有發無上菩提心者尔時諸比

丘聞佛所說歡喜奉行

十六末

百緣經卷第六

涇六

乞句下音蓋螫呼各反廁填上切使反伺相寺反  
繒幡上音自盆汚上音滿分受上音去惣牖上音窓  
跑上音漶完具上音惠觥突上音骨翹尾上音渠

跳躑上音條亦下音條舐神只反欵然上音勿許贈遺下音去

撰集百緣經卷第七

涇七

吳月支優婆塞支謙譯

現化品第七

身作金色緣六十一

佛在迦毗羅衛國尼拘陀樹下時彼城中有一長者財寶無量不可稱計選擇族望婢以

乙

加不奉行

為婦作諸音樂以娛樂之其婦懷妊足滿十月生一男兒身作金色端正殊妙世所希有身有光明照彼城內皆作金色時兒父母見其如是心懷歡喜歎未曾有召諸相師占相此兒相師覩已問其父母此兒產時有何瑞相父母答曰此兒生時身作金色兼有光明因為立字名曰金色年漸長大體性賢柔慈仁孝順聞世有佛在尼拘陀樹下將諸親友往詣佛所見佛世尊三十二相八十種好光明普曜如百千日心懷喜悅前禮佛足却坐一面佛即為其說四諦法心開意解得須陀洹果歸白父母我於今日往到尼拘陀樹下

見佛世尊神容炳耀如百千日又見比丘諸根寂定威儀可觀我所願樂唯願慈愍聽我出家時見父母聞是語已愛念子故不能違逆尋將佛所求索出家佛即告言善來比丘鬚髮自落法服著身便成沙門精勤修習得阿羅漢果三明六通具八解脫諸天世人所

見敬仰時諸比丘見是事已白佛言世尊此金色比丘宿植何福生於豪族身作金色得值世尊出家獲道今時世尊告諸比丘汝等善聽吾當為汝分別解說乃往過去九十一劫波羅奈國有佛出世號毗婆尸教化周訖遷神涅槃今時有王名槃頭末帝收其舍利

起四寶塔高一由旬而供養之時有一人值行見塔有少破落和泥補治及買金薄安鈷其上發願出去緣是功德九十一劫不墮惡道天上人中身常金色受天快樂乃至今者遭值於我身故金色出家得道佛告諸比丘欲知彼時鈷金薄人者今現在金色比丘是

今時諸比丘聞佛所說歡喜奉行

身有栴檀香緣六十二

佛在迦毗羅衛國尼拘陀樹下時彼國中有一長者財寶無量不可稱計選擇高門娉以爲婦作諸妓樂以娛樂之其婦懷妊足滿十月產一男兒容貌端正世所無比身諸毛孔

淫七

二

行刀

有牛頭栴檀香從其面門出優鉢羅華香父母親屬莫不歡喜召諸相師占相此兒相師覩已問其父母此兒生時有何瑞相父母荅曰此兒生時身諸毛孔有牛頭栴檀香從其面門出優鉢羅華香因爲立字名栴檀香年漸長大體性仁和見者愛敬將諸親友而行

遊戲漸次往到尼拘陀樹下見佛世尊三十二相八十種好光明普曜如百千日心懷歡喜前禮佛足却坐一面佛即爲其說四諦法心開意解得須陀洹果歸辭父母求索入道父母愛念不能違逆將詣佛所求索出家佛即告曰善來比丘鬚髮自落法服著身便成

沙門精勤修習得阿羅漢果三明六通具八  
 解脫諸天世人所見敬仰時諸比丘見是事  
 已白佛言世尊今此栴檀香身比丘宿植何  
 福生便有香又值世尊出家得道尔時世尊  
 告諸比丘汝等諦聽吾當為汝分別解說乃  
 往過去九十一劫波羅奈國有佛出世号毗

婆尸教化周訖遷神涅槃時彼國王名槃所  
 末帝收取舍利造四寶塔將諸群臣后妃采  
 女賣持香華入彼塔中而共供養踐蹋塔地  
 有破落處時有長者見此塔地有破落處尋  
 和好泥用塗治之以栴檀香塗其上發願  
 而去緣是功德九十一劫不墮惡趣天上人

四七

三

行刀

中身口常香受天快樂乃至今者遭值於我  
 身口故香出家得道佛告諸比丘欲知彼時  
 以栴檀香塗散地者今香身比丘是尔時諸  
 比丘聞佛所說歡喜奉行  
 有大威德緣六十三  
 佛在迦毗羅衛國尼拘陀樹下時彼城中有

一長者財寶無量不可稱計選擇高門娉以  
 為婦種種音樂以娛樂之其婦懷妊足滿十  
 月生一男兒身體柔軟顏色鮮澤端正殊妙  
 世所希有父母親屬見之歡喜因為立字名  
 曰威德年漸長大柔和調順見者愛敬遠近  
 信伏將諸親友遊行觀看到尼拘陀樹下見

佛世尊三十二相八十種好光明照耀如百  
 千日心懷歡喜前禮佛足却坐一面佛即為  
 其說四諦法心開意解得須陀洹果歸辭父  
 母求索入道父母愛念不能違逆將詣佛所  
 求索出家佛即告言善來比丘鬚髮自落法  
 服著身便成沙門精勤修習得阿羅漢果三

明六通具八解脫諸天世人皆共敬仰時諸  
 比丘見是事已白佛言世尊今此威德比丘  
 宿植何福身體極軟顏色鮮明又為眾人所  
 見敬仰遭值世尊出家得道尔時世尊告諸  
 比丘汝等善聽吾當為汝分別解說乃往過  
 去九十一劫波羅奈國有佛出世号毗婆尸

教化周訖遷神涅槃彼時有王名槃頭末帝收其舍利造四寶塔高一由旬而供養之時有一人值行往到見彼塔上有諸萎華塵土坐上即取萎華拂拭使淨還用供養發願出去緣是功德九十一劫不墮地獄畜生餓鬼天上人中顏色奕奕有大威德受天使樂乃

至今者遭值於我故有威德出家得道佛告諸比丘欲知彼時拂拭華人今威德比丘是尔時諸比丘聞佛所說歡喜奉行

有大力緣六十四

佛在迦毗羅衛國尼拘陀樹下時彼國中有一長者財寶無量不可稱計選擇族望聘以

淫七

四

姜行刊

為婦作倡妓樂而娛樂之其婦懷妊足滿十月生一男兒骨節龐大肥壯大力父母見之因為立字名曰大力年漸長大勇健多力無有及者將諸親友遊行觀看到尼拘陀樹下見佛世尊三十二相八十種好光明普曜如百千日心懷歡喜前禮佛足却坐一面佛即

為其說四諦法心開意解得須陀洹果歸白父母求索入道父母愛念不能違逆將詣佛所求索出家佛即告言善來比丘鬚髮自落法服著身便成沙門精勤修習得阿羅漢果三明六通具八解脫諸天世人所見敬仰時諸比丘見是事已白佛言世尊此大力比丘

宿植何福生則大力勇健無敵又值世尊出家得道尔時世尊告諸比丘汝等諦聽吾當為汝分別解說乃往過去九十一劫波羅捺國有佛出世号毗婆尸教化周訖遷神涅槃時彼國王名槃頭末帝收取舍利造四寶塔時有一人在此塔邊高聲唱言集喚眾人建

立塔振發願而去緣是功德九十一劫不墮地獄畜生餓鬼天上人中常有大力受天使樂乃至今者遭值於我故有大力出家得道佛告諸比丘欲知彼時唱喚眾人豎立振者今此大力比丘是尔時諸比丘聞佛所說歡喜奉行

淫七

五

爲人所恭敬緣六十五

佛在迦毗羅衛國尼拘陀樹下時彼國中有  
一長者財寶無量不可稱計選擇高門娉以  
爲婦種種音樂以娛樂之其婦懷妊足滿十  
月生一男兒端正殊妙與衆超絕有見之者  
無不敬仰年漸長大與諸親友遊行觀看到

尼拘陀樹下見佛世尊三十二相八十種好  
光明普曜如百千日心懷歡喜前禮佛足却  
坐一面佛即爲其說四諦法心開意解得須  
陀洹果歸辭父母求索入道父母愛念不取  
違逆將詣佛所求索出家佛即告曰善來比  
丘鬚髮自落法服著身便成沙門精勤修習

得阿羅漢果三明六通具八解脫諸天世人  
所見敬仰時諸比丘見是事已白佛言世尊  
今此比丘爲人敬仰宿植何福生便端正有  
見之者無不敬仰又值世尊出家得道亦時  
世尊告諸比丘汝等善聽吾當爲汝分別解  
說乃往過去九十一劫波羅柰國有佛出世

号毗婆尸教化周訖遷神涅槃彼時有王名  
槃頭末帝收其舍利造四寶塔而供養之於  
其後時有少毀破時有童子入其塔中見此  
破處和顏悅色集喚衆人各共塗治發願出  
去緣是功德九十一劫不墮地獄畜生餓鬼  
天上人中受樂無極常爲人天所見敬仰乃

至今者遭值於我故爲諸人所見敬仰出家  
得道佛告諸比丘欲知彼時集喚衆人塗塔  
地者今此爲人所敬比丘是亦時諸比丘聞  
佛所說歡喜奉行

頂上有寶蓋緣六十六

佛在迦毗羅衛國尼拘陀樹下時彼城中有

一長者財寶無量不可稱計選擇族望娉以  
爲婦作諸音樂常娛樂之其婦懷妊足滿十  
月生一男兒容貌端正世所希有然其生時  
頂上自然有摩尼寶蓋徧覆城上父母歡喜  
因爲立字名曰寶蓋年漸長大與諸親友出  
城遊戲漸次往到尼拘陀樹下見佛世尊三

注七

六

姜行

十二相八十種好光明暉曜如百千日心懷  
歡喜前禮佛足求索出家佛即告言善來比  
丘鬚髮自落法服著身便成沙門精勤修習  
得阿羅漢果時諸比丘見是事已恠未曾有  
而白佛言今此寶蓋比丘宿植何福初生之  
時頂上自然有摩尼寶蓋徧覆城上又值世

尊出家未久得獲道果尔時世尊告諸比丘  
汝等諦聽吾當為汝分別解說乃往過去九  
十一劫波羅柰國有佛出世号毗婆尸遊行  
諸國化緣周訖遷神涅槃時有國王名槃頭  
末帝收取舍利造四寶塔高一由旬而供養  
之時有賣主入海採寶安隱來歸即以摩尼

寶珠蓋其塔頭發願而去緣是功德九十一  
劫不墮惡趣天上人中常有寶蓋隨共而生  
乃至今者得值於我出家獲道佛告諸比丘  
欲知彼時賣主奉上摩尼寶珠者今此寶蓋  
比丘是尔時諸比丘聞佛所說歡喜奉行  
妙聲緣六十七

佛在迦毗羅衛國尼拘陀樹下時彼國中有  
一長者財富無量不可稱計選擇族望娉以  
為婦作諸音樂以娛樂之其婦懷妊足滿十  
月生一男兒端正殊妙世所希有年漸長大  
有好音聲令眾樂聞與諸親友出城遊戲至  
尼拘陀樹下見佛世尊三十二相八十種好

經七

七

光明暉曜如百千日心懷歡喜前禮佛足却  
住一面佛即為其說四諦法心開意解得須  
陀洹果歸辭父母求索入道愛念子故不能  
違逆將詣佛所求索出家佛即告言善來比  
丘鬚髮自落法服著身便成沙門精勤修習  
得阿羅漢果三明六通具八解脫諸天世人  
所見敬仰時諸比丘見是事已而白佛言世  
尊今此妙聲比丘宿植何福有是妙聲復值  
世尊出家得道尔時世尊告諸比丘汝等諦  
聽吾當為汝分別解說乃往過去九十一劫  
波羅柰國有佛出世号毗婆尸教化周訖遷  
神涅槃時有國王名槃頭末帝收取舍利造

四寶塔高一由旬而供養之時有一人見此塔故心懷歡喜便作音樂以繞供養發願而去緣是功德九十一劫不墮地獄畜生餓鬼天上人中常有好聲令眾樂聞乃至今者遭值於我出家得道故有好聲尔時諸比丘聞佛所說歡喜奉行

白子同產緣六十八

佛在迦毗羅衛國尼拘陀樹下時彼城中有一長者財寶無量不可稱計選擇族望娉以爲婦作倡妓樂以娛樂之其婦懷妊足滿十月生一肉搏時彼長者見其如是心懷愁惱謂爲非祥往詣佛所前禮佛足長跪白佛我婦懷妊生一肉搏不審世尊爲是吉凶唯願世尊幸見告語佛告長者汝莫疑恠相好養育滿七日已汝當自見時彼長者聞是語已喜不自勝還詣家中勅令贍養七日頭到肉搏開敷有百男兒端正殊特世所希有年漸長大便共相將出城觀看漸次往到尼拘陀

樹下見佛世尊三十二相八十種好光明普曜如百十日心懷喜悅前禮佛足却坐一面佛即爲其說四諦法心開意解各得須陀洹果即於佛前求索入道佛告童子父母不聽不得出家時彼童子聞是語已歸辭父母求索出家父母愛念不能違逆將詣佛所求索

世七

八

姜

出家佛即告言善來比丘鬚髮自落法服著身便成沙門精勤修習得阿羅漢果三明六通具八解脫諸天世人所見敬仰時諸比丘見是事已前白佛言今此同生一百比丘宿植何福兄弟百人一時俱生端正殊妙人所愛敬遭值世尊出家得道尔時世尊告諸比丘汝等諦聽吾當爲汝分別解說乃往過去九十一劫波羅柰國有佛出世号毗婆尸教化周訖遷神涅槃時彼國王名槃頭末帝收取舍利造四寶塔而供養之時有同邑一百餘人作倡妓樂齎持香花供養彼塔各共發願以此供養善根功德使我來世在所生處

共為兄弟發是願已各自歸去佛告諸比丘  
欲知彼時同邑人者今此一百比丘是由於  
彼時誓願力故九十一劫不墮地獄畜生餓  
鬼天上人中常共同生受天使樂乃至今者  
遭值於我故復同生出家得道尔時諸比丘  
聞佛所說歡喜奉行

頂上有寶珠緣六十九

佛在迦毗羅衛國尼拘陀樹下時彼城中有  
一長者財寶無量不可稱計選擇族望婢以  
為婦作諸音樂而娛樂之其婦懷妊足滿十  
月生一男兒端正殊妙世所希有頭上自然  
有摩尼珠時兒父母見其如是因為立字名

淨七

九

曰寶珠年漸長大將諸親友出城遊戲至尼  
拘陀樹下見佛世尊三十二相八十種好光  
明普曜如百千日心懷歡喜前禮佛足却坐  
一面聽佛說法心開意解得須陀洹果歸辭  
父母求索入道父母愛念不能違逆將詣佛  
所求索出家佛即告言善來比丘鬚髮自落

法服著身便成沙門精勤修習得阿羅漢果  
三明六通具八解脫諸天世人所見敬仰著  
衣持鉢入城乞食時彼寶珠故在頭上城中  
人民怪其所以云何比丘頭上戴珠而行乞  
食競來看之時寶珠比丘深自慙耻還歸所  
止白言世尊我此頭上有此寶珠不能使去

今者乞食為人嗤笑願佛世尊見却此珠佛  
告比丘汝但語珠我今生分已盡更不須汝  
如是三說珠自當去時寶珠比丘受佛教勅  
三徧向說於是寶珠忽然不現時諸比丘見  
是事已前白佛言今此寶珠比丘宿植何福  
於其生時頭戴寶珠光踰日月又值世尊出  
家得道尔時世尊告諸比丘汝等諦聽吾當  
為汝分別解說乃往過去九十一劫波羅柰  
國有佛出世号毗婆尸教化周訖遷神涅槃  
時彼國王名槃頭末帝收取舍利造四寶塔  
高一由旬而供養之時彼王子入其塔中禮  
拜供養持一摩尼寶珠繫著髮頭發願而去

緣是功德九十一劫不墮地獄畜生餓鬼天上人中常有寶珠在其頂上受天快樂乃至今者遭值於我出家得道故有寶珠在其頂上佛告諸比丘欲知彼時王子者今此寶珠比丘是尔時諸比丘聞佛所說歡喜奉行布施佛幡緣七十

佛在迦毗羅衛國尼拘陀樹下時彼城中有一長者財寶無量不可稱計選擇族望娉以為婦作諸音樂以娛樂之其婦懷妊足滿十月生一男兒端正殊妙與眾超絕初生之日虛空中有大幡蓋徧覆城上時諸人眾因為立字名波多迦年漸長大將諸親友出城遊

四七

十

戲到尼拘陀樹下見佛出尊三十二相八十四種好光明普曜如百千日心懷歡喜前禮佛足却住一面佛即為其說四諦法心開意解得須陀洹果歸辭父母求索入道父母愛念不能違逆將詣佛所求索出家佛即告言善來比丘鬚髮自落法服著身便成沙門精勤

修習得阿羅漢果三明六通具八解脫諸天世人所見敬仰時諸比丘見是事已而白佛言世尊今此波多迦比丘宿植何福生便端正與眾超絕又於空中有大幡蓋徧覆城上復值世尊出家得道尔時世尊告諸比丘汝等諦聽吾當為汝分別解說乃往過去九十

一劫波羅奈國有佛出世号毗婆尸教化周訖遷神涅槃尔時有王名槃頭末帝收取舍利造四寶塔高一由旬而供養之時有一人施設大會供養訖竟作一長幡懸著塔上發願而去緣是功德九十一劫不墮地獄畜生餓鬼天上人中常有幡蓋覆蔭其上受天快樂乃至今者遭值於我出家得道佛告諸比丘欲知彼時上佛幡者今此波多迦比丘是尔時諸比丘聞佛所說歡喜奉行

十一末

百緣經卷第七

涇七

鈷他協反 菱於離反 蚩尺知反 媿四正反